

Reglugerð framkvæmdastjórnarinnar (ESB) nr. 718/2013

2014/EES/4/25

frá 25. júlí 2013

um breytingu á reglugerð (EB) nr. 608/2004 um merkingu matvæla og innihaldsefna matvæla með viðbættum jurtasterólum, jurtasterólestrum, jurtastanolum og/eða jurtastanólestrum (*)

FRAMKVÆMDASTJÓRN EVRÓPUSAMBANDSINS
HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun Evrópuþingsins og ráðsins 2000/13/EB frá 20. mars 2000 um samræmingu laga aðildarríkjanna um merkingu, kynningu og auglýsingu matvæla⁽¹⁾, einkum 3. mgr. 4. gr.,

og að teknu tilliti til eftirfarandi:

- 1) Að fengnu álit vísindanefndarinnar um matvæli frá 26. september 2002⁽²⁾ og til að tryggja að neytendur fái fullnægjandi upplýsingar þegar þeir kaupa matvæli og innihaldsefni matvæla með viðbættum jurtasterólum, jurtasterólestrum, jurtastanolum og jurtastanólestrum er í reglugerð framkvæmdastjórnarinnar (EB) nr. 608/2004 frá 31. mars 2004 um merkingu matvæla og innihaldsefna matvæla með viðbættum jurtasterólum, jurtasterólestrum, jurtastanolum og/eða jurtastanólestrum⁽³⁾ kveðið á um lögboðnar upplýsingar til viðbótar við þær sem tilgreindar eru í 3. gr. tilskipunar 2000/13/EB um merkingu slíkra matvæla.
- 2) Í reglugerð (EB) nr. 608/2004 er kveðið á um að í merkingu slíkra matvæla og innihaldsefna matvæla skuli m.a. koma fram yfirlýsing um að framleiðsluvaran sé einungis fyrir fólk sem vill minnka kólesterólmagn í blóði. Tilgangur þessarar lögboðnu yfirlýsingar er að tryggja að framleiðsluvaran nái til markhópsins og forðast þannig óþarfa neyslu hópa utan markhóps.

(*) Þessi EB-gerð birtist í Stjtið. ESB L 201, 26.7.2013, bls. 49. Hennar var getið í ákvörðun sameiginlegu EES-nefndarinnar nr. 222/2013 frá 13. desember 2013 um breytingu á II. viðauka (Tæknilegar reglugerðir, staðlar, prófanir og vottun) við EES-samninginn, bíður birtingar.

⁽¹⁾ Stjtið. EB L 109, 6.5.2000, bls. 29.

⁽²⁾ Álit vísindanefndarinnar um matvæli: „General view on the long-term effects of the intake of elevated levels of phytosterols from multiple dietary sources“.

⁽³⁾ Stjtið. ESB L 97, 1.4.2004, bls. 44.

- 3) Valkvæð birting næringar- eða heilsufullyrðinga á merki-miðum matvæla heyrir undir reglugerð Evrópuþingsins og ráðsins (EB) nr. 1924/2006 frá 20. desember 2006 um næringar- og heilsufullyrðingar er varða matvæli⁽⁴⁾. Til samræmis við það hafa heilsufullyrðingar er varða minnkun og viðhald kólesteróls í blóði að því er varðar matvæli sem innihalda plöntusteróla og plöntustanóla verið leyfðar með reglugerð framkvæmdastjórnarinnar (EB) nr. 983/2009 frá 21. október 2009 um leyfi eða synjun leyfis fyrir tilteknum heilsufullyrðingum er varða matvæli og vísa til minnkunar á sjúkdómsáhættu og til þroskunar og heilbrigðis barna⁽⁵⁾, reglugerð framkvæmdastjórnarinnar (ESB) nr. 384/2010 frá 5. maí 2010 um leyfi eða synjun leyfis fyrir tilteknum heilsufullyrðingum er varða matvæli og vísa til minnkunar á sjúkdómsáhættu og til þroskunar og heilbrigðis barna⁽⁶⁾ og reglugerð framkvæmdastjórnarinnar (ESB) nr. 432/2012 frá 16. maí 2012 um samantekt lista yfir leyfilegar heilsufullyrðingar er varða matvæli og vísa hvorki til minnkunar á sjúkdómsáhættu né til þroskunar eða heilbrigðis barna⁽⁷⁾ með tilteknum notkunarskilyrðum.

- 4) Með reglugerð (EB) nr. 983/2009 eru eftirfarandi heilsufullyrðingar leyfðar með tilteknum notkunarskilyrðum: „Sýnt hefur verið fram á að plöntusteról lækka/minnka kólesteról í blóði umtalsvert. Hátt kólesteról er áhættuþáttur í þróun kransæðasjúkdóms“ og „Sýnt hefur verið fram á að plöntustanólesterar lækka/minnka kólesteról í blóði. Hátt kólesteról er áhættuþáttur í þróun kransæðasjúkdóms“.

- 5) Með reglugerð (ESB) nr. 384/2010 er eftirfarandi heilsufullyrðing leyfð með tilteknum notkunarskilyrðum: „Sýnt hefur verið fram á að plöntusteról og plöntustanólesterar lækka/minnka kólesteról í blóði. Hátt kólesteról er áhættuþáttur í þróun kransæðasjúkdóms.“

- 6) Með reglugerð (ESB) nr. 432/2012 er eftirfarandi heilsufullyrðing leyfð með tilteknum notkunarskilyrðum: „Plöntusteról/-stanól stuðla að því að viðhalda eðlilegu kólesterólmagni í blóðinu“.

⁽⁴⁾ Stjtið. ESB L 404, 30.12.2006, bls. 9.

⁽⁵⁾ Stjtið. ESB L 277, 22.10.2009, bls. 3.

⁽⁶⁾ Stjtið. ESB L 113, 6.5.2010, bls. 6.

⁽⁷⁾ Stjtið. ESB L 136, 25.5.2012, bls. 1.

- 7) Orðalag leyfðu heilsufullyrðinganna ásamt lögboðnu yfirlýsingunni varðandi markhópurinn, sem mælt er fyrir um í reglugerð (EB) nr. 608/2004, gæti hugsanlega haft í för með sér að neytendur, sem þurfa ekki að hafa stjórn á kólesterólmagni í blóði, noti framleiðsluvöruna. Með það fyrir augum að tryggja samræmi upplýsinganna sem veittar eru á merkingum matvæla og innihaldsefna matvæla með viðbættum jurtasterólum, jurtasterólestrum, jurtastanolum og/eða jurtastanólestrum er því rétt að breyta lögboðnu yfirlýsingunni, sem mælt er fyrir um í reglugerð (EB) nr. 608/2004, en tryggja um leið að orðalag hennar þjóni þeim upplýsandi tilgangi sem lá að baki innleiðingarinnar í upphafi.
- 8) Til að gera stjórnendum matvælafyrirtækja kleift að laga merkingar á vörum sínum að þeim kröfum sem komið er á með þessari reglugerð er mikilvægt að kveða á um viðeigandi umbreytingartímabil vegna beitingar þessarar reglugerðar.
- 9) Ráðstafanirnar, sem kveðið er á um í þessari reglugerð, eru í samræmi við álit fastanefndarinnar um matvælaferlið og heilbrigði dýra og hvorki Evrópuþingið né ráðið hefur andmælt þeim.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 25. júlí 2013.

SAMÞYKKT REGLUGERÐ ÞESSA:

1. gr.

Breyting á reglugerð (EB) nr. 608/2004

Í stað 3. liðar 2. gr. reglugerðar (EB) nr. 608/2004 komi eftirfarandi:

„3. Þar skal vera yfirlýsing um að framleiðsluvaran sé ekki ætluð fyrir fólk sem þarf ekki að hafa stjórn á kólesterólmagni í blóði.“

2. gr.

Umbreytingarráðstafanir

Matvæli og innihaldsefni matvæla með viðbættum jurtasterólum, jurtasterólestrum, jurtastanolum og/eða jurtastanólestrum, sem sett eru á markað eða merkt fyrir 15. febrúar 2014 og uppfylla ekki kröfur þessarar reglugerðar, má setja á markað þar til birgðir matvællanna eru uppnar.

3. gr.

Gildistaka

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Fyrir hönd framkvæmdastjórnarinnar,

Forseti.

José Manuel BARROSO